

奇門衍象

下冊  
地理占

中國古代珍本術數叢刊

遼東龍伏山人撰

竒門衍象

理占冊

匯校排印本

鄭同 校正

華齡出版社

目錄

奇門衍象 下冊

占國運 占帝星

占帝星何方 占天后產

占王師生 占何方兵起

占省候分野 占選將

占練士 占擇吉 占出師

占作用 占防奸

占兵將所居 占糧草

占野宿 占登船 占觀風

占勝負 占迎敵 占三勝

占五不擊 占投軍

占攻城 占守城

占賊去留 占賊藏處

占虛實 占軍數 占強弱

占動靜 占勇怯 占遠近

占有無 占前後

占偷軍有無 占潛兵

占投軍心順逆 占將心安否

占委將 占分旅 占遣使

占敵使 占投降 占追兵

占失將來否 占迷途

占被困 占逃圍

占急從門 占三私門

占大難 占天網 占劫糧

占覓水 占風來何方

占回軍 占定約 占戰期

占察機 占旗擺

占有感風雨

奇門衍象 下冊

編校者注。此本據黑龍江綏化丙寅本及地理占合校而成。主要解說國運與軍事之占斷。古人稱之爲地理占。今從古人。亦如是稱之。作下冊。

占國運

三乙若迫太歲位。五凶入墓國運愆。

占國運之脩短以太歲而驗看。臨敗氣與空墓迫制凶格退神皆非吉兆。而三乙時干四宮來尅盜尤甚。若值宮中總臨敗氣亦當以兩旬氣罷方終斷之可也。如逢時同雖屬敗氣仍爲綿長而塵氣難

占門行象  
掃矣。其得旺宮吉格。盛令進神。雖乙未尅。亦不致大害。而又得時生。則天數未盡也。占法必以元旦。或情感意疑。方許卜之。否則不宜。

### 占帝星

乙奇旺動。帝出世。輔禽生。乙佐天添。

問帝星之出世。否則察乙奇之臨宮。入乘旺陰宮吉。門格得生扶。又有值符。天地六合。太陰見於同宮。主已生於世也。安邦定國之年。即時干者爲是。而

輔禽又生其宮。將星亦必並產。但斯生世而時干未有  
不生扶者也。及或臨時干非此。則終屬不確。勿以  
是論。

### 占帝星何方

欲知產于何方所。另卜皆向乙奇看。

一冀二荆三青地。四徐五豫六雍邊。

七涼八堯九揚處。是地兵起紫微躔。

然卜出世。又當卜產于何方是矣。即以乙奇臨九宮

定之。

占天后產

天后產時而火動。丙火值四陽宮。則知后妃生矣。

占王師生

問處尋方須另卜。九州定依在前看。

二者問生於某處。亦以九州斷之。欲知生於州之某方。以州省爲中。外爲八方。用神臨處斷之。至於星之門字刑某方之九宮。以所值八門斷之。

占何方兵起

乃是元旦立春時。課起太歲驗安危。  
星天神地門人事。尅迫太歲兵犯之。  
甲乙豐年丙丁旱。壬癸水潦己戊饑。  
庚辛賊起蓬元盜。白虎兵生蛇火施。  
陰主謀篡合主聚。天地直符是樂時。  
三吉門逢人民泰。五凶門遇百姓移。  
芮主瘟神柱主門。英旱沖兵輔心時。

欲卜何方兵起。須以元旦認局。加于立春正時之  
上。謀定而與歲干參看。則吉凶無不應矣。總以尅歲  
干宮爲凶。生爲吉。尅盜之宮而逢吉星。雖凶不致爲  
害。乃天時得也。逢吉神而地利得也。逢吉門而人事  
和也。若凶星凶神凶門。則必兵犯界也。乃不安之  
象。生扶之宮而遇凶星。雖吉不致爲泰。乃天時不得  
也。遇凶神乃地利不得也。遇凶門乃人事不和也。若  
逢吉星門。則必民貢賦矣。乃康泰之象。若所值之干

各驗危星其星神格之絲毫不爽矣。是故臨天干甲  
乙者豐一年而丙丁者亢旱戊己者饑荒庚辛地  
兵亂壬癸者水盜又蓬者盜起芮者疫殃沖者兵  
戈輔者時豐禽者安泰心者天融柱者小亂任者  
水威英者旱情又符爲順蛇爲攻陰爲鬼謀合爲人  
平白爲兵戮常爲天增元爲盜賊地爲豐年天爲  
厚又休爲合美死刀凶傷損杜不通五絕道開穆  
雍驚道空生歲豐景流停合三考其天時地利人和

物華則莫有不回應者。蓬臨瘟癘。春作百姓流離。夏  
爲飄沒。奇神救之減半。芮臨奇神加之。上又爲災。七  
分收成。若加凶宿。人瘟物死。五穀不登。有崩陷之災。  
沖臨奇神加之。五穀半成。人民安泰。加凶宿。人物災  
傷。輔臨在吉處。五穀大成。人民安樂。加凶宿。主大風  
水盜損傷。禽臨吉宿。五穀豐登。人物繁盛。加凶宿。主  
吏役淨。貴人移動。憂惊瘟災。心臨吉宿。主秋熟。長吏  
貴人頻受皇恩。加凶宿。春種雖多。夏秋水澇。柱臨吉

宿半熟。人民瘟疫。加凶宿。有蝗虎流水爲災。秋冬尤甚。若有三奇制之。必有吉慶。任臨大有吉慶。奇神加之。主生祥瑞及賢士。凶處五穀半熟。人雖災而不死。英臨以爲祥瑞。福生旺瑞。五穀熟。人民吉。吏有恩慶。生尅處凶宿。主旱。旱涸災殃。春種更多枯死。天乙臨其歲。多主貴。人或值天乙之年。必有上第一甲者。

占省候分野

再將八節交氣時。隨局課起考醇疵。

冬至室壁秋參觜夏至星宿冬至女。

春分在氏秋分昴災祥禍福立知之。

省候分野皆定己立夏居軫立春箕。

占省候分野以八節正時課起斷之。即立春主兌春分主青主徐夏至主揚立秋主荆秋分主梁立冬主雍冬至主冀。年數中分自立春迨大暑之日正時課起主豫九州以分而每以其州中宮所屬之間宮凶福禍亦可知也矣。

占選將

天禽主帥蓬客帥庚乃客士丙主士。

帥主旺相帥爲利士乘吉神士爲奇。

九天威武名聲重九地權謀有才識。

合主韜略陰謀好虎主雄猛雀文姿。

太常好酒蛇好色直符專權有真機。

選將一章惟以禽蓬庚丙攸分然禽爲主帥蓬爲客

帥丙爲主士庚爲客士以各神斷其高下也爲主者